

United Nations
Nations UniesInternational Criminal Tribunal
for the former Yugoslavia
Tribunal Pénal International
pour l'ex-Yougoslavie

(IT-95-5/18-R77.3)

RADISLAV KRSTIĆ*Oslobođen krivice*

Svjedok odbrane pred Pretresnim vijećem III Međunarodnog suda u predmetu Radovana Karadžića

Nalog (umjesto optužnice)	27. mart 2013.
Prvo stupanje pred Sud	4. april 2013., izjasnio se da nije kriv
Presuda Pretresnog vijeća	18. jula 2013. oslobođen krivice

STATISTIČKI PODACI

Broj sudskih dana	1
Broj svjedoka Vijeća	0
Broj dokaznih predmeta Vijeća	0
Broj svjedoka odbrane	1
Broj dokaznih predmeta odbrane	6 (5 pod pečatom)

SUĐENJE	
Početak suđenja	28. maj 2013.
Završne riječi	28. maj 2013.
Pretresno vijeće III	Sudija Melville Baird (predsjedavajući), sudija O-Gon Kwon, sudija Howard Morrison i sudija Flavia Lattanzi
Advokat odbrane	Tomislav Višnjić
Presuda	18. jul 2013.

OPTUŽNICA I OPTUŽBE

U skladu s pravilom 77 Pravilnika o postupku i dokazima, Međunarodni sud može da pokrene postupak zbog nepoštovanja suda. Nadležnost MKSJ-a u vezi s predmetima nepoštovanja nije izričito navedena u Statutu. Međutim, čvrsto je uvriježeno da Međunarodni sud posjeduje inherentnu nadležnost, proisteklu iz njegove sudske funkcije, da obezbijedi da vršenje nadležnosti koje mu je Statutom izričito povjereno ne bude ometano i da njegove osnovne sudske funkcije budu zaštićene.

Kao jedan međunarodni krivični sud, ovaj Međunarodni sud ima inherentno ovlaštenje za krivično gonjenje zbog ponašanja kojim se ometa sprovođenje pravde. To ometanje može uključivati ponašanje kojim se sprovođenje pravde ometa, nanosi mu se šteta ili se ono zloupotrebljava. Oni koji na takav način svjesno i hotimično ometaju sprovođenje pravde Međunarodnog suda mogu stoga biti proglašeni krivim za

nepoštovanje Međunarodnog suda.

Vijeće je podnijelo Nalog umjesto optužnice protiv Krstića 27. marta 2013.

Kako se u nalogu navodi, 23. oktobra 2012. izdat je nalog *subpoena* kojim je Krstiću naloženo da stupi pred Vijeće i svjedoči u predmetu Karadžić. Dana 7. februara 2013., Krstić je odbio da svjedoči iz zdravstvenih razloga. Vijeće je naknadno naložilo Sekretarijatu da pruži ljekarski izvještaj o svjedokovom fizičkom i psihičkom zdravstvenom stanju.

Vijeće je 13. marta 2013., nakon što je razmotrilo medicinski izvještaj, zaključilo da ne postoje zdravstveni razlozi koji bi predstavljali valjan argument za to da svjedok ne postupi po nalogu *subpoena*. Dana 25. marta 2013., Krstić je stupio pred Vijeće i ponovo odbio da svjedoči.

Krstić se teretio za:

Nepoštovanje Međunarodnog suda (Pravilo 77(A) i (G) Pravilnika o postupku i dokazima)

SUĐENJE

Suđenje je održano 28. maj 2013. Odbrana je pozvala jednog svjedoka, nakon čega je iznijela svoje završne riječi.

PRESUDA PRETRESNOG VIJEĆA

Nakon što je razmotrilo svjedočenje i medicinske izvještaje, Vijeće se uvjerilo da Krstić boluje od sindroma posttraumatskog stresa. Osim toga, Vijeće je zaključilo da je Krstićevo mentalno stanje pogoršano od kada mu je izdat nalog *subpoena* da svjedoči u predmetu *Karadžić*. Iz tih razloga, uzevši u obzir sve dokaze, većina članova Vijeća, uz suprotno mišljenje sudije Kwona, zaključila je da se ozbiljnost zdravstvenog stanja optuženog i moguće pogoršanje tog zdravstvenog stanja kao posljedica njegovog svjedočenja pred Vijećem u predmetu *Karadžić* može uzeti kao valjan razlog za odbijanje optuženog da svjedoči.

Dana 18. jula 2013., Vijeće je većinom glasova, uz suprotno mišljenje sudije Kwona, oslobodilo Krstića krivice po optužbi za nepoštovanje suda.